

III - BESTE ADMINISTRAZIO PUBLIKOAK

EUSKO JAURLARITZA

LAN ETA JUSTIZIA SAILA

Arabako Lurralde Ordezkaritza

Alcasting Legutiano, SLU enpresaren hitzarmen kolektiboko 27. artikulua aldatzeko erabakia

Ebazpena, Lan eta Justizietako Saileko Lan eta Gizarte Segurantzako Arabako lurralde ordezkariarena. Honen bidez ebazten da, Alcasting Legutiano, SLU enpresaren hitzarmen kolektiboaren aldaketa akordio (akatsak zuzentzea) erregistratu, gordailu egin eta argitaratzea. Hitzarmenaren Kodea: 01100761012018.

AURREKARIAK

2020ko otsailaren 24an aurkeztu da, Ordezkaritza honetan, aipatutako hitzarmen kolektiboko negoziazio batzordearen akta, enpresaburuen eta langileen ordezkariak 2020ko urtarrilaren 7an negoziazio-mahaian sinatutakoa hitzarmen kolektiboaren 27. artikuluen moldaketarako (akatsak zuzentzea) kariaz.

ZUZENBIDEKO OINARRIAK

Lehenengoa. Langileen Estatutu Legearen 90.2 artikulua, urriaren 23ko 2/2015 Errege Dekretu Legegilea (2015eko urriaren 24ko BOE) aurreikusten duen eskuduntza lan agintaritza honi dagokio, apirilaren 11ko 84/2017 Dekretuko 15.1.h artikulua –Lan eta Justiziako Saileko egitura organika eta funtzionala ezartzen duena (2017ko apirilaren 21eko EHAA)- dionarekin bat etorritik eta urtarrilaren 25eko 9/2011 Dekretuarekin (2011ko otsailaren 15eko EHAA) eta maiatzaren 28ko 713/2010 Errege Dekretuarekin (2010eko ekainaren 12ko BOE) – hitzarmen kolektiboaren erregistroari buruzkoak- lotuta.

Bigarrena. Hitzarmen kolektiboaren negoziazio batzordeak hartutako akordioa aipatutako Langileen Estatutuari buruzko Legeko 88, 89 eta 90. artikuluetan aurreikusitakoari jarraiki sinatu da.

Honen ondorioz,

EBATZI DUT

Lehenengoa. Euskadiko Lan Hitzarmen eta Akordio Kolektiboaren Erregistroko Arabako Lurralde Bulegoan erregistratu eta gordailatzeko agintzea eta aldeei jakinaraztea.

Bigarrena. ALHAOn argitara dadin xedatzea.

Vitoria-Gasteiz, 2020ko otsailaren 25a

Arabako lurralde ordezkaria
CARMEN DE CELIS CUEVAS

Negoiazio mahaiaren akta, 2020ko urtarrilaren 7koa

Legution, 2020ko otsailaren 7an, eta Alcasting Legutiano, Pertsona bakarreko sozietate mugatuaren lokaletan, negoziazio-batzordeko kideak elkartzen dira, bai enpresaren aldetik, bai langileen aldetik.

Dagozkion eztabaidak egin ondoren, honako erabaki hauek hartu dira:

Testu hau onartzea, hitzarmenaren 27. artikulua argitalpenean izandako akatsa zuzentzeko.

Artikulu zuzena honako hau da:

27. artikulua. Soldata-taulak eta hitzartutako igoerak

Lanbide-kategoria bakoitzerako erantsitako soldata-aula arruntak honela igoko dira:

2018. urtea: Arabako 2017ko KPI + ehuneko 2ko igoera. Soldata-igoera horiek erantsitako soldata-aulen gaineko ehuneko 100ean aplikatuko dira, eta antzinasun-plusa kanpoan geratuko da.

2019. urtea: Arabako 2018ko KPI + ehuneko 1,5eko igoera. Soldata-igoera horiek erantsitako soldata-aulen gaineko ehuneko 100ean aplikatuko dira, eta antzinasun-plusa kanpoan geratuko da.

2020. urtea: Arabako 2019ko KPI + ehuneko 1,5eko igoera. Soldata-igoera horiek erantsitako soldata-aulen gaineko ehuneko 100ean aplikatuko dira, eta antzinasun-plusa kanpoan geratuko da.

2021. urtea: Arabako 2020ko KPI + ehuneko 1,5eko igoera. Soldata-igoera horiek erantsitako soldata-aulen gaineko ehuneko 100ean aplikatuko dira, eta antzinasun-plusa kanpoan geratuko da.

Eta jasota gera dadin, aurreko guztiarekin ados daudela frogatzeko, bertaratutakoek agiri hau sinatzen dute adierazitako tokian eta egunean.